

ՈՒՂԵՐՁՆԵՐԻ 22-ՐԴ ՇՐՋԱՆ

20 դեկտեմբերի, 2015 թ. – 23 դեկտեմբերի 2015 թ.

ՍԱՆԱՏ ԿՈՒՄԱՐԱ

20 դեկտեմբերի, 2015 թ.

ՈՒՂՈՒ ՑԱՆԿԱՑԱԾ ԿԵՏԻՑ ԿԱՐԵԼԻ Է ՀԵՏ ՇՐՋՎԵԼ ԵՎ ՎԵՐԱԴԱՌՆԱԼ ԶԱՐԳԱՑՄԱՆ ԱՍՏՎԱԾԱՅԻՆ ՈՒՂԻՆ

ԵՄ ԵՄ Սանատ Կուումարան:
Ես կրկին եկա...
Տխուր է դիտել այն, ինչ այս բարդ ժամանակ-
ներում տեղի է ունենում Երկրի վրա:
Կարելի էր խուսափել վատթար զարգացում-
ներից:
Եվ Մենք պատրաստ ենք հնարավոր ու ան-
հնարին ամեն ինչ անելու, որպեսզի փրկենք հնա-
րավորինս շատ մարդկային հոգիների:
Սակայն, սիրելիներս, մնացածը ձեր գործն է...
Ինքներդ ուզում եք փրկվել արդյոք...
Ի գործն եք արդյոք շարունակելու Կյանքը...
Երբեմն որքան դժվար է լինում հասկանալ, թե
ինչն ձեզ խանգարում վերադառնալ աստվածային
Ուղի:
Ինչն է խանգարում, որ ներքին վստահություն
ձեռք բերեք Աստծո և Հավերժական Կյանքի գոյու-
թյան նկատմամբ:
Չէ՞ որ հենց միայն Աստծո նկատմամբ հավա-
տը բառացիորեն հաշված տարիների ընթացքում
կարող է ձեր կյանք վերադարձնել Աստվածային
կերպերը, Բարոյականության Օրենքը:
Սակայն ճշմարիտ հավատ ձեռք բերելու համար
հարկավոր է շատ ու շատ աշխատել: Առնվազն
հարկ է, որ կատարվեն այն հանձնարարական-
ները, որոնք վերջին տասը տարիների ընթացքում
ձեզ տրվել են Մեր դեսպանորդի միջոցով:
Դժվար էր հետևել մեր խորհուրդներին ու
հանձնարարականներին:
Ինչո՞ւ եք գերադասում լողալ այն փոխնակների
պղտոր հոսանքով, որոնք հաճկատարորեն ձեզ են
մատուցում զանգվածային լրատվության միջոց-
ները:
Ինչո՞ւ որևէ ջանք չեք գործադրում, որպեսզի
ձեզ ու ձեր երեխաներին զերծ պահեք այն ամե-
նից, ինչը խեղում է ձեր հոգիները և այլևս ուժ ու

կարողություն չի թողնում, որ ընթանաք լուսավոր
ուղով:
Այնուհանդերձ, երբեք չափազանց ուշ չի լինում:
Ուղու ցանկացած կետից կարելի է հետ շրջվել
և վերադառնալ դեպի զարգացման աստվածային
Ուղին:
Մի՞թե այս մասին Մենք ձեզ չենք ասել...
Այո, մե՞ծ կարմա է կուտակված: Այո, դժվար է
կտրվել անորակ էներգիաներից և ձեր գիտակցու-
թյան բացասական վիճակներից:
Սակայն Մենք ուսուցանում ենք, որ մեղքերի
խոստովանանքն ու թույլ տրված սխալների հա-
մար գղջումը կիսով չափ թեթևացնում են կարմա-
յական բեռը: Իսկ մյուս կեսը կարող է չեզոքացվել
աղոթքների մաքուր էներգիայով:
Բայց եթե մարդկության առավել գիտակից
հատվածը չի ընդունում Մեր հանձնարարական-
ները և չի հետևում Մեր խորհուրդներին, ապա
բացվում է մի այլ՝ ավելի դժվարին ուղի, տառա-
պանքների ուղին:
Պետք է ձեզ ասեմ, որ մարդկությունն արդեն
հատել է շեմը և իր առաջին քայլերն է անում այդ
տառապանքների ուղով:
Ձեզնից շատերը դժգոհում են կյանքից, դրա-
նում սիրո բերկրանքի բացակայությունից:
Բայց դա սոսկ ձեր ընտրած տառապանքների
ուղու առաջին ծաղիկներն են, և դեռ ինչքան են
սպասվում առջևում...
Մենք մշտապես մարդկությանը մատնացույց
էինք անում ավելի հեշտ ուղին: Եվ հիմա ևս շարու-
նակում ենք ցուցաբերել ամբողջ անհրաժեշտ
օգնությունը, որպեսզի գոնե ոչ շատ մեծ քանակու-
թյամբ հոգիներ կարողանան ընտրել փրկության
ուղին և ընթանան դրանով:
Մենք մեր ջանքերը գործադրում ենք նույնիսկ
այնժամ, երբ արդեն ավարտվել է մեր Ուղերձները

փոխանցելու թողության շնորհի ժամկետը: Մեզնից ամեն Ոք գոհարերել է սեփական նվաճումների էներգիաները, որպեսզի գա և իր Ուղերձը տա մարդկությանը:

Մեզնից ամեն Ոք անում է հնարավորը և անգամ անհնարինը:

Մենք գործի ենք դնում այն ամբողջ հզորությունը, որը թույլատրում է օգտագործել Կարմայական Վարչությունը:

Սակայն Մեր առավել նուրբ էներգիաները վրիպում են ձեր գիտակցությունից, քանի որ այն մշտապես սուզված է շրջապատող իրականության բացասական թրթռանքների մեջ:

Ուստի մենք ձեզ համար անխնայ կերպով էլի ու էլի ենք կրկնում. որպեսզի կարողանաք օգտվել մեր օգնությունից ու օժանդակությունից, պետք է հնարավոր ամեն ինչ անեք, որ ձեր թրթռանքը պահեք հնարավոր ավելի բարձր մակարդակի վրա:

Ցավոք, մեծ քաղաքներում դրան հասնել այլևս հնարավոր չէ: Քաղաքները նեցուկ են դարձել այն ուժերի համար, որոնք բարտրել են մարդկությանը և նրան էվոլյուցիոն ուղով ընթանալու հնարավորություն չեն տալիս:

Քաղաքների հաշվով մենք ճակատամարտը տանուլ տվեցինք:

Սակայն այն մարդիկ, որոնք ապրում են ոչ մեծ բնակավայրերում, դեռևս կարող են ընկալել մեր թրթռանքները և իրենց գիտակցությունը պահել բավարար բարձր մակարդակի վրա:

Մենք արեցինք հնարավոր ամեն ինչ, որպեսզի դուք կարողանաք քաղաքներից ձեր ելքն ի կատար ածել:

Ժամանակակից տեխնոլոգիաները թույլ են տալիս, որ ձեզ համար բավարար հարմարավետություն ապահովեք նույնիսկ քաղաքներից շատ հեռու:

Սակայն ֆիզիկական ոլորտում ձեր փոխարեն գործել հնարավոր չէ:

Մենք վաղօրոք ձեռնարկեցինք բոլոր անհրաժեշտ քայլերը, որ դուրսի դարձնենք ձեր անցումն ու տառապանքները: Բայց մենք չենք կարող անել գործի այն մասը, որ ձեզ է թողնված:

Գիտե՞ք, որ վրա է հասել այն ժամանակահատվածը, որից հետո այլևս չեք կարողանա վերադառնալ դեպի անվտանգ էվոլյուցիոն ուղին:

Եվ դա ձեր ընտրությունն է:

Որքան էլ ցավալի լինի դեպի անդունդ տանող ձեր քայլերը դիտելը, մենք չենք կարող ձեզ կանգնեցնել, եթե հաստատ որոշել եք նետվել անդունդը:

Ես այսօր եկա այն հույսով, որ ձեր գիտակցությանը հասցնեմ այն ճշմարտությունը, որ վրա է հասել տառապանքների ուղուց խուսափելու վերջին հնարավորության ժամը:

Եվ այդ հնարավորությունը դեռևս բաց է ընտրյալների համար:

ԵՍ ԵՄ Սանատ Կուճարան: ՕՄ

ՏԵՐ ՇԻՎԱ

21 դեկտեմբերի, 2015 թ.

ՄԻԱՅՆ ՀԱՎԱՏՆ ԱՌ ԱՍՏՎԱԾ ԵՎ ՀԱՄԱՅՆ ԱՐԱՐՉՈՒԹՅԱՆ ՆԿԱՏՄԱՄԲ ՍԵՐԸ ԿԱՐՈՂ ԵՆ ՄՈՏԱԿԱ ԺԱՄԱՆԱԿՆԵՐՈՒՄ ՓՐԿԵԼ ՄԱՐԴԿՈՒԹՅԱՆԸ

ԵՍ ԵՄ Շիվան...

Այսօր... Ես եկա...

Խորապես ցավում եմ, որ եկել եմ ձեզ հաղորդակից դարձնելու անուրախ լուրերի:

Ինչ արած, այս աշխարհում ամեն ինչ սուկ պատրանք է:

Եվ ինքներդ եք ընտրում, թե ո՞ր պատրանքի մեջ լինեք:

Ձեր պատրանքը ձևավորվում է ձեր գիտակցությամբ: Եվ եթե կամենում եք մշտապես գտնվել վախի, ատելության, չարակամության մեջ, ապա

ձեզ շրջապատող պատրանքը համալարվում է ձեր գիտակցության հետ, և արտաքին աշխարհում ձեր անկատարության արտացոլանքն ստանում է պատերազմի, սահաբեկչության, սոցիալական լարվածության և ֆինանսական անկայունության տեսք:

Այդ ամենն ինքներդ եք ընտրում, պաշտելիս լինեք:

Դե՞հ է ձեր ընտրությունը:

Մեր խնդիրը սուկ այն է, որ ձեզ հրավիրենք մեր սեղանի մոտ և ձեզ առաջարկենք մեր ուտեստները:

Բայց դուք կարող եք հրաժարվել և մոտ չգալ:
Այդպիսին է ազատ կամքի Օրենքը:

Վերջին տասը տարիների ընթացքում գործում էր մի թողության շնորհ, որը մեզ թույլ էր տալիս ոչ միայն գալ և Ուղերձների միջոցով ձեզ ուսուցանել, այլ նաև մեր էներգիաները փոխանցել ձեր աշխարհին:

Ձեզնից պահանջվում էր ուսանելու համաձայնություն տալ և հետևել մեր հանձնարարականներին:

Հենց միայն անձամբ Իմ կողմից շնորհված վիթխարի թողությունը կարող էր բեկում մտցնել ամբողջ աշխարհի իրադրության մեջ:

Համաձայնեք, որ 10-ամյա ուսուցում տալուց հետո մենք իրավասու էինք ձեզ խնդրելու, որ ինչ-որ բան անեք հանուն մարդկության Բարօրության: Ուստի ես տվեցի մի թողության շնորհ, որն ինքնին կարող էր ամեն ինչ փոխել դեպի լավը. ես մեր դեսպանորդին խնդրեցի, որ «ՀԱՆՈՒՆ ԲԱՐՈՅԱԿԱՆՈՒԹՅԱՆ» շարժում նախաձեռնի:

Եվ ինչ ստացվեց. ամբողջ աշխարհից հազարավոր մարդիկ առաջ նետվեցին, որ կատարեն իմ խնդրանքը. աշխարհին տան բարոյականության գաղափարը...

Ո՛չ: Հենց այն կիսամյակի ընթացքում, երբ ես պահում էի էներգիայի հոսքը և այն ուղղորդում այդ թողության շնորհի լայն սփուման համար, մեր հետևորդները քննարկումներ սկսեցին և կասկածանքների գիրկն ընկան:

Դուք ձեռքից բաց թողեցիք վիթխարի հնարավորություն: Մարդկության լավագույն ներկայացուցիչները չհանձնեցին մեր Դպրոցի ավարտական քննությունը:

Դուք ձեր թեստը ձախողեցիք:

Արդյունքը երկար չսպասեցրեց:

Հենց որ դուք հրաժարվում եք աստվածային կերպերից, անմիջապես աշխարհում ուժեղանում են հակադիր միտումները:

Դուք հրաժարվում եք բարոյականությունից և ստանում ձեր աշխարհի լիակատար անբարոյականության դրսևորումներ՝ խաբեբա քաղաքական գործիչներ և տնտեսագետներ, ահաբեկչության ուժեղացում և պատերազմների սանձազերծում:

Թույլ տվեք ձեզ հիշեցնել, որ դուք գտնվում եք հետևանքների աշխարհում. ձեր ամեն մի նախընտրանքին համապատասխանում է հենց այն արդյունքը, դեպի ուր միտված է ձեր այդ նախընտրանքը:

Բաց թողնված հնարավորությունները ձեզ կանգնեցնում են հենց այն հումանիտար արհավիրքի առաջ, որի վրա հասնելուն դուք ամեն կերպ աջակցել եք:

Այսպիսով, մարդկության առաջադեմ հատվածը, որն այս ամբողջ ընթացքում կարդում էր մեր Ուղերձները, կատարեց իր ընտրությունը:

Մենք պարտություն կրեցինք:

Եվ, իհարկե, ձեզ կվիճակվի բախվել ձեր կա-

տարած ընտրության հետևանքներին: Երբ Վեհապետների պլանը չի իրագործվում, երբ դուք ականջալուր չեք լինում ձեր խղճի ձայնին, այլ տրվում եք կասկածանքներին ու ծուլությանը, ապա արժանանում եք համապատասխան հետևանքների, և այդ հետևանքները, եկող տարվանից սկսած, ավելի ու ավելի կուժգնանան:

Կուժգնայի ձեզ համար լուսաբանել մեր Ուսմունքի ևս մի դրույթը, որը վերաբերում է մեր դեսպանորդի հետ ունեցած կարմայական կապին:

Երբ մեր դեսպանորդը ենթարկվում է հալածանքի, զրպարտության, հարձակումների, դա հսկայական կարմա է առաջացնում, որն իր մակարդակով հավասարագոր է Աստծո դեմ գործելու կարմային:

Ինչպես հայտնի է, Աստված ում ուզում է պատժել, նրան գրկում է բանականությունից:

Խելացնորությունը միայն առանձին մարդու չէ, որ կարող է համակել: Խելացնորությունը կարող է համակել ամբողջ երկրների ու ժողովուրդների:

Մարդկության պատմության ընթացքում բազմաթիվ անգամ դուք դա տեսել եք: Ֆաշիզմն ու կոմունիզմը ազգերի ու ժողովուրդների խելացնորության հիվանդության նմանատիպ դրսևորումներ են:

Ինչպես անաստվածության կարման, այնպես էլ մեր դեսպանորդի հասցեին մեղադրանքներ հնչեցնելը կարմայի ամենաձանր տեսակներից են:

Ես այսօր եկա, որ ձեր արտաքին գիտակցությանը հասանելի դարձնեմ այն վերահաս իրադարձությունների պատճառները, որոնց առաջացման համար մեր Ուղերձները կարդացող յուրաքանչյուր ոք իր ջանքերն է գործադրել:

Երկրների խելացնորությունը ծնում է պատերազմներ և դրանց հետևանքները՝ սով, հումանիտար աղետներ...

Հնարավոր է դրանցից խուսափել...

Հնարավոր է: Դրա համար անհրաժեշտ է, որ ձեր կյանքերում ճանաչեք Աստծո Օրենքի գերակայությունը:

Կա միայն մեկ ճշմարտություն: Եվ բոլոր ճշմարիտ մարգարեները, դեսպանորդները և մեսիանները մարդկության զարգացման ողջ պատմության ընթացքում տվել են միայն մեկ աստվածային ճշմարտություն՝ ամենայն ինչ Աստված է:

Աստված ձեր մեջ է և ձեզնից դուրս:

Միայն հավատն առ Աստված և համայն Արարչության նկատմամբ Մերը կարող են մոտակա ժամանակներում փրկել մարդկությանը:

Իսկ հիմա ես պետք է լքեմ ձեզ:

Կարմայի բեռը պետք է խավար ծածկույթի տակ առնի մարդկությանը:

Տառապանքներն ունակ են մաքրելու գիտակցությունը ճիշտ այնպես, ինչպես աղոթքն ու սպաշխարանքը:

ԵՍ ԵՄ ՇԻՎԱՆ...

ԱԹԵՆԱՍ ՊԱԼԼԱՍ

22 դեկտեմբերի, 2015 թ.

ՈՒՍՄՈՒՆՔ ԱՐԴԱՐԱՑԻ ԵՎ ԱՆԱՐԴԱՐԱՑԻ ՊԱՏԵՐԱԶՄՆԵՐԻ ՄԱՍԻՆ

ԵՍ ԵՄ Աթենաս Պալլասը:

Այսօր Ես կրկին ձեզ այցի եմ եկել:

Հավանաբար դուք չեք մոռացել ինձ և հիշում եք, որ ես Կարմայական Վարչության անդամ եմ:

Ինձ նաև գիտեն որպես Ճշմարտության Աստվածուհի:

Վաղ անցյալում հատուկ իմ պատվին կառուցված տաճարներում մարդիկ պաշտում էին ինձ:

Դա հինավուրց ժամանակներում էր, իմ սիրելի Հելլադայում:

Իսկ հիմա ես կամենում եմ ձեզ հիշեցնել, որ ես նաև արդարացի պատերազմների հովանավորն եմ:

Ձեր աշխարհում ամեն ինչ երկդիմի բնույթ ունի: Ուստի, որքան էլ ձեզ համար տարօրինակ թվա ինձնից սա լսելը, անարդարացի պատերազմներից զատ կան նաև պատերազմներ, որոնք արդարացի բնույթ ունեն:

Հետևաբար նախքան այս կամ այն պատերազմին մասնակցելը հարկավոր է շատ լավ կշռադատել այն շարժառիթները, որոնցով առաջնորդվում եք դուք և այն մարդիկ, ովքեր իշխանության կրող են և որոշում են ընդունում պատերազմ սկսելու մասին:

Նախ և առաջ դուք պետք է հասկանաք՝ այդ պատերազմով շահադիտական նպատակներ եք հետապնդում, թե՛ պաշտպանում եք ձեր հողը, ձեր տունն ու ընտանիքն արտաքին թշնամուց, որը ձեզ սպառնում է և հարվածներ հասցնում ձեր հայրենիքին:

Շարժառիթը կարևոր է պատերազմի մասնակցող ամեն մի առանձին ռազմիկի համար: Եթե կովին մասնակցելու գնացող մարդու շարժառիթը շահադիտական է, ապա պատերազմին մասնակցելը նրա համար հավասարազոր է ոչ ճիշտ գործողության կարմայի կուտակման:

Շահադիտական շարժառիթ կարող են ծառայել փողը, իշխանությունը, կոչումը կամ պաշտոնը, ինչպես նաև ռազմավարը:

Կարմայի օրենքը համայն Տիեզերքի բարդագույն օրենքներից մեկն է: Այդ պատճառով եկեք պարզենք, թե անարդարացի պատերազմին մասնակցելն ինչպես է անդրադառնում մասնակից երկրի և դրա մարդկանց վրա:

Իհարկե, ցանկացած պատերազմի ընթացքում բռնություն է կիրառվում, և մարդիկ են զոհվում: Ուստի կարևոր է հասկանալ, թե ինչ կարմա է

ձեռք բերում անարդարացի պատերազմ վարող երկիրը:

Անարդարացի պատերազմի ամեն մի մասնակից կարմայի իր բաժինն է ունենում: Բայց ամեն մի այդպիսի պատերազմի մասնակից նաև մայր ու հարազատներ ունի: Նրա ամբողջ ընտանիքը և նույնիսկ հեռավոր հարազատներն իրենց վրա են վերցնում անարդարացի պատերազմին մասնակցողի կատարած սպանությունների ու ավերածությունների կարման: Արդյունքում թուլանում է նրա ընտանիքն ու ամբողջ տոհմը, ինչը կարող է տոհմի ֆիզիկական ու մտավոր այլասերման պատճառ դառնալ:

Այդպիսով, անարդարացի պատերազմի կարման ազդում է նույնիսկ այն մարդկանց վրա, ովքեր հեռու են գինված հակամարտությանն անմիջականորեն մասնակցելուց:

Բացի այդ, կա նաև անարդարացի պատերազմին մասնակցող ամբողջ երկրի կարման: Այն ընկնում է տվյալ երկրի ամբողջ բնակչության ուսերին և բախշվում հասարակության բոլոր անդամների միջև: Ոպես կանոն, դա հանգեցնում է տվյալ երկրին հատկացվող Աստծո էներգիայի հոսքի դադարեցմանը:

Աստծո էներգիայի անբավարար լինելը դրսեվորվում է որպես առատության պակաս, սով, տվյալ երկրի բնակչության մի զգալի մասի հոգեկան խանգարումներ՝ շիզոֆրենիա, դիվահարություն, ընկճվածություն, ինքնասպանության հակում, ագրեսիա:

Եվ իհարկե, անարդարացի պատերազմի կարմայի մեծ մասն ընկնում է այն մարդկանց ուսերին, որոնք նման պատերազմ սկսելու որոշում են կայացնում:

Սակայն, ինչպես վերն ասացի, կարմայական բեռից բաժին է հասնում նաև այդ երկրում ապրող ամեն մի բնակչի: Քանզի ոչ մի պատերազմ չի կարող կայանալ, եթե չլինեն այն մարդիկ, որոնք համաձայնվում են մասնակցել նման պատերազմի՝ հանուն անձնական շահի, թալանի կամ էլ հանուն կենդանի թիրախների վրա իրենց սպանելու հմտությունները կատարելագործելու:

Առողջ հասարակությունը երբեք թույլ չի տա, որ իրեն ներգրավեն անարդարացի պատերազմի մեջ, քանի որ շատ լավ գիտակցում է, որ այդպիսի պատերազմին մասնակցելը պատասխանատվություն է դնում իր հետագա սերունդների ուսերին:

Իսկ հիմա խոսենք արդարացի պատերազմի մասին: Եթե ռազմիկը մարտի է գնում իր երկիրը, հողը և ընտանիքը պաշտպանելու նպատակով և չունի շահադիտական մղումներ, եթե անշահախնդրորեն պատրաստ է իր կյանքը զոհելու հանուն իր երկրի բարեկեցության, ապա այդ գործողությունն արդար է համարվում, և անգամ նրա զոհվելը ոչ թե թուլացնում է նրա ընտանիքն ու տոհմը, այլ, ընդհակառակը, հարստացնում է նոր էներգիայով:

Հանուն մերձավորների ինքնագոհաբերման գնալը կարող է բռնություն չդիտվել այն դեպքում, եթե մեկը պատրաստ է կենդանի վահանի դեր կա-

տարել հարձակվողի ու իր մերձավորների միջև: Ինքնագոհաբերության այդ բարձրագույն գործողությունը բարի կարմա է ստեղծում ամբողջ տոհմի և երկրի համար:

Իմ այսօրվա Ուղերձի նպատակն էր բացատրություններ տալ արդարացի և անարդարացի պատերազմների մասին:

Ես կարծում եմ, որ աշխարհում ներկայումս հաստատված պայմաններում իմ այս Ուսմունքն օգտակար կլինի ձեզ համար, և դուք կկարողանաք այն կիրառել ձեր կյանքում:

ԵՍ ԵՄ Ալեհաս Պալլասը

ՎԵՀԱՊԵՏ ԷԼ ՄՈՐԻԱ

23 դեկտեմբերի, 2015 թ.

ՀԱՏԿԱՊԵՍ ՀԻՄԱ Է ՍԿՍՎՈՒՄ ԵՐԿԻՐ ՄՈԼՈՐԱԿԻ ԿԵՆՍԱՀՈՍՔԵՐԻ ԲԱՐՕՐՈՒԹՅԱՆ ՀԱՄԱՐ ԳՈՐԾԵԼՈՒ ՁԵՐ ԺԱՄԱՆԱԿԸ

ԵՍ ԵՄ Վեհապետ Մորիան...

Այս պահին, այս օրով Ես ահա ձեզ այցի եմ եկել, ո՛վ, իմ սիրելի սասներ:

Ես շատ լավ եմ հասկանում, թե որքան են խտացել ամպերը, և որքան է դժվարացել մեզ հակադիր ուժերի ճնշմանը դիմակայելը:

Թվում է, թե ոչ մի ուրախալի և դրական բան չկա:

Սակայն ես եկել եմ ձեզ հավաստիացնելու, որ, ընդհակառակը, կա՛ ուրախանալու տոնական առիթ...

Մենք ձեզ հետ երկար գրույց ունեցանք և տվեցինք մեր Ուսմունքը:

Եվ ահա վերջապես այն քչերիդ համար, որ ամբողջապես յուրացրիք մեր Ուսմունքը, վրա հասավ այն ժամանակահատվածը, որին ձեզ նախապատրաստում էինք ոչ միայն այս երկար ու ձիգ 10 տարիների ընթացքում, երբ ձեզ ուսուցանում էինք մեր դեսպանորդի միջոցով: Իհարկե, ոչ: Դուք ձեր այս աշխատանքին նախապատրաստվում էիք շատ ու շատ մարմնավորումների ընթացքում:

Մեկ անգամ չէ, որ մենք ասել ենք, որ ներկայումս մարմնավորման մեջ են մեր լավագույն աշակերտները: Դա պայմանավորված է ներկա ժամանակների խստությամբ և Լույսի ու խավարի միջև ընթացող ճակատամարտի շիկացումով:

Ահա և ձեզ համար վրա հասավ վճռական փուլը...

Այն ամենը, ինչ մինչև հիմա անում էինք, սուկ դրա նախապատրաստությունն էր:

Երկու ուժերը համամոլորակային գոտեմարտի են բռնվել մարդկության ապագայի համար. ուժեր, որոնք փորձում են պահպանել պատրանքը, և ուժեր, որոնք ցանկանում են մարդկությանը վերադարձնել Տուն՝ Աստծո մոտ:

Երբ ուժերը լարված են, և յուրաքանչյուր կողմը գործի է դնում իր ողջ ներուժը, վրա է հասնում քառսի ժամանակաշրջանը. ամեն ինչ խառնվում է իրար, և համարյա հնարավոր չի լինում զանազանել, թե ով ում կողմից է հանդես գալիս:

Եվ հենց այդ քառսի ժամանակ է, որ գալիս է ձեր գործելու հերթը:

Հակադիր ուժերն օգտագործում են ազդեցության կոպիտ լծակներ՝ կոպիտ ֆիզիկական ուժ, կաշուն կերպեր ու կարծրատիպեր:

Սակայն նրանցից առավել խորամանկներն ու ճարպիկները հասկանում են, որ որքան շատ գործի դրվեն կոպիտ ուժեր, այնքան կմեծանա հավանականությունը, որ հենց իրենք փլուզվեն այդ ուժերի ազդեցությամբ: Ուստի և նրանք օգտագործում են զանգվածային գիտակցության ու ենթագիտակցության վրա ազդելու ավելի նուրբ հնարքներ՝ տարածելով վախի, ագրեսիայի, ատե-

լուծյան ու հակակրանքի վիճակներ: Սակայն, սիրելիներս, բոլոր այդ վիճակները Նոր աշխարհում չեն կարող շարունակություն ունենալ:

Աշխարհը Նոր ժամանակների շեմին է: Եվ այդ Նորի գալուստը նույնքան անխուսափելի է, որքան արևածագը գիշերվանից հետո՝ անկախ խավարի թանձրությունից:

Ահա հենց այդ ժամանակ է, որ մեր նվիրյալ սաներից յուրաքանչյուրն անփոխարինելի է դառնում: Քանզի քառսի ժամանակահատվածում ամենամեծ ազդեցությունն ունենում են թույլ ազդակները:

Ես կբերեմ բժշկի օրինակը, որի բուժման մեթոդն ասեղնարուծությունն է:

Պատկերացրեք, որ նրա այցելուն լուրջ հիվանդությամբ է տառապում: Եթե բժիշկը բարձրակարգ է, ապա բարակ ասեղի մի թույլ ազդակը բավարար է լինում, որ հիվանդի վիճակն արդեն լավանա: Իսկ մի քանի այդպիսի ազդակներն ունակ են լրիվ բուժելու հիվանդին:

Մեր նվիրյալ աշակերտները տիրապետում են հմտությունների, որոնց միջոցով իրենց ներսում պահպանում են էներգիաների համակշռություն, ինչպիսի արտաքին քառսում էլ որ գտնվելիս լինեն:

Այդպիսով նրանք վերածվում են մեր այն նրբագույն էներգիաները ձեր աշխարհի փոխանցող հաղորդիչների, որոնք ունակ են փոխելու աշխարհի իրադրությունը:

Մեր աշակերտներից կան բոլոր երկրներում: Հենց նրանց միջոցով էլ մենք կարող ենք ազդել աշխարհի իրադրության վրա:

Մենք ուրախ ենք, որ հասավ այն ժամանակը, երբ մենք կարող ենք օգտագործել մեր պահուստային ուժը: Հենց հիմա է այն ժամանակը, երբ սոսկ քչերի ներքին գործության օգտագործումով կարելի է համամոլորակային մակարդակով փո-

խել աշխարհում հաստատված իրավիճակը: Դե ինչ, ձեզ հաջողություն եմ մաղթում:

Միշտ հիշեք, որ արտաքինը որոշվում է ներքինով: Ուստի եթե բավարար քանակությամբ անհատականություններ ցանկացած արտաքին քառսի պայմաններում կարողանան պահպանել ներքին հանդարտությունն ու ներդաշնակությունը, բերկրանքն ու սերը, ապա աշխարհին տիրած իրավիճակը կարող է դեպի լավը փոխվել հաշված տարիների ընթացքում:

Նաև երբեք չպետք է մոռանալ, որ այդ քառսից իրավիճակը նույնպիսի արագությամբ կարող է և դեպի վատը գնալ:

Ուստի չի կարելի թուլանալ...

Պահանջվում է լիակատար մարտական պատրաստվածություն...

Լիակատար կենտրոնացում դեպի Բարձրագույնը...

Արտաքինը որոշվում է ներքինով...

Հատկապես հիմա է սկսվում Երկիր մոլորակի կենսահոսքերի բարօրության համար գործելու ձեր ժամանակը...

Պահպանել ներքին հավասարակշռությունը նույնիսկ այնժամ, երբ ամբողջ աշխարհն աչքի առաջ կփվի...

Աստվածային Ուղին ընտրած ոչ մի հոգի չի կարող կորչել...

Հենց որ ձեր ընտրությունն Աստծո կողմն է լինում, բոլոր Երկնային Ջորախամբերը ցանկացած արտաքին հանգամանքների պայմաններում պաշտպան են կանգնում ձեր հոգուն:

Ուստի ձեր կյանքի ամեն մի ակնթարթին հիշեք Աստծո մասին և ձեր ամբողջ կյանքն անմնացորդ նվիրեք Աստծուն ու Նրա Օրենքի հաստատմանը:

ԵՍ ԵՄ Մորիան

ՄԻՋԱՆԿՅԱԼ ՈՒՂԵՐՁՆԵՐ

ՏԵՐ ՇԻՎԱ

20 հունիսի, 2016 թ.

ՈՒՍՄՈՒՆՔ ԼՈՒՅՍԻ ԿԻՉԱԿԵՏԻ ՄԱՍԻՆ

ԵՍ ԵՄ Շիվան...

Ես եկել եմ ամառային արևադարձի այս օրով...

Ես պատրաստ եմ, հանուն ձեզ, հաղթահարել բոլոր դժվարություններն ու խոչընդոտները, որ-

պեսզի դուք կարողանաք վայելել մեր հաղորդակցության երանությունը:

Այժմ ես կամենում եմ, որ դուք կենտրոնացնեք ձեր բոլոր ուժերը և ձեր հոգու ունակությունները:

Հեռացնեք առօրեական ունայն մտքերից:
Մարեք քմայքների կրակը:
Հեռու՛ վանեք հակասական զգացմունքները:
Վայելեք ներքին անդորրը, հավերժությունը՝
հավերժության շնչառությունը:

Ներշնչում...

Արտաշնչում...

Միացնեք համայն Տիեզերքի շնչառությանը:

Ա՛յ, հիմա կարող եմ ձեզ հետ կիսվել Վեհապետների Ուսմունքով:

Այսօրվա մեր գրույցի առարկան կլինի մի բան, որը շոշափել հնարավոր չէ, և ձեզնից շատերն էլ նույնիսկ ունակ չեն այն զգալու:

Ստիպված կլինեք ուղղակի հավատալ իմ խոսքին: Իսկ եթե հավատալ չեք ուզում, ապա իմաստ չունի, որ կարդաք կամ լսեք իմ Ուղերձը:

Այսպիսով, պետք է ասեմ, որ մեր Ուղերձներում, հատկապես մեր Դեսպանորդի գործունեության սկզբնական շրջանում, մենք հիշատակել ենք այնպիսի մի հասկացություն, ինչպիսին Լույսի կիզակետն է:

Դուք, երևի, հիշում եք, որ 2005 թվականին Լույսի կիզակետն Ամերիկայից տեղափոխվեց Ռուսաստան:

Իսկ ինչ բան է Լույսի կիզակետը:

Ես այսօր ձեզ Ուսմունք կտամ հենց այդ թեմայի վերաբերյալ:

Լույսի կիզակետը Աստծո էներգիա փոխանցելու հնարավորությունն է: Այն տարածության ու ժամանակի իրական մի կետ է, որով վիթխարի քանակությամբ Աստծո էներգիա է փոխանցվում ֆիզիկական աշխարհին: Աստծո էներգիայի այդ քանակությունը միանգամայն բավարար է, որ աշխարհի ցանկացած երկրում իրականացվեն ցանկացած փոփոխություններ:

Մակայն, որպեսզի այդ փոփոխություններն իրականացվեն, պետք է բավարարվեն որոշակի պայմաններ:

Նախ ասենք, որ Լույսի կիզակետն անշարժ ամրացված չէ ֆիզիկական աշխարհում ինչ-որ տեղ: Այն ո՛չ քար է, ո՛չ էլ շինություն:

Լույսի կիզակետն ամրակցված է մեր դեսպանորդի նուրբ մարմիններին: Դա ֆիզիկական աշխարհին Լույս փոխանցելու նրա ունակությունն է, որը նա ձեռք է բերել ինչպես նախկին մարմնավորումների, այնպես էլ ներկա կյանքի ընթացքում:

Նրա՛ Լույս փոխանցելու ունակությունը դեռ չի նշանակում, թե այդ Լույսը՝ Աստծո էներգիան, կհասնի թանձրաշխարհին: Ո՛չ, որպեսզի Աստծո էներգիան տեղ հասնի, անհրաժեշտ է, որ դրա համար առկա լինեն համայն տիեզերքի Բարձրագույն Խորհուրդների և Կարմայական Վարչության համապատասխան որոշումները:

Ներկայումս մեր Դեսպանորդի նուրբ մարմիններին ամրակցված Լույսի կիզակետը փոխանցում է իր նախատեսված հզորության սոսկ 10 տոկոսի չափով:

Ինչո՞ւ է այդպես...

Պատճառն այն է, որ ֆիզիկական ոլորտում մեր պլանների իրականացման համար պայմաններ չկան:

Մենք երկար ենք խոսել այն հնարավորության մասին, որը 2005 թվականին ընձեռվեց Ռուսաստանին:

Մակայն անհրաժեշտ էր, որ ֆիզիկական ոլորտում այդ հնարավորության իրականացման համար համապատասխան պայմաններ ստեղծվեին:

Մենք բազմիցս խնդրեցինք հոգ տանել մեր դեսպանորդի մասին, ինչը պահանջում էր նվիրյալ սրտերի, այնպիսի սրտերի առկայություն, որոնք պատրաստ են ինքնագոհողության գնալ՝ հանուն Լույսի, հանուն Վեհապետների պլանների իրականացման:

Ինչպե՞ս է աշխատում Լույսի կիզակետը. նախ պետք է գտնվեն նկրտում ունեցող, նվիրյալ սրտեր, որոնք մեր դեսպանորդի նկատմամբ տաժած սիրո զգացման, երախտագիտության, հարգանքի ու ակնածանքի շնորհիվ ունակ են դառնում ստանալու Աստծո էներգիայի մի մասը, որը նախատեսված է մեր Լույսի կիզակետի միջոցով տարածել ֆիզիկական աշխարհում:

Եվ մեր էներգիայի նկատմամբ ընկալունակ հոգիների քանակի աճին զուգընթաց մենք սկսում ենք մեծացնել էներգիայի աղբյուրի հզորությունը, ինչի արդյունքում Լույսի կիզակետով բավարար քանակի էներգիա է ներմղվում ֆիզիկական աշխարհ:

Այդ ընթացքում մեզ նվիրված սաներից յուրաքանչյուրն ավելի ու ավելի շատ Աստծո էներգիա է ստանում՝ նման այն բանին, ինչպես ատոմակայանից դեպի դուրս տարածվող լարերով հոսանքը հասնում է բազմաթիվ սպառողների, աշխատեցնում մեխանիզմներն ու մեքենաները, լուսավորում տներն ու փողոցները:

Ճիշտ նույն կերպ՝ գործին պատրաստ սրտերի միջոցով, Աստծո էներգիայով հագեցվում է տարածությունը: Ֆիզիկական ոլորտի թրթռանքները փոխվում են, ինչի արդյունքում այն արատավոր բաները, որոնք այժմ տեղի են ունենում Երկրում, կանխարգելվում են տարածությունը հագեցրած Աստծո Լույսով: Ճիշտ այնպես, ինչպես հանցագործների համար համեմատաբար դժվար է լինում օրը ցերեկով մութ գործեր կատարելը:

Այնուհանդերձ տեղի չունեցավ այն, ինչ մենք ակնկալում էինք:

Մեր Ուսմունքը մարդկանց պահանջարկին չհամապատասխանեց:

Թեև մեր Ուսմունքը շատերն էին կարդում, սակայն չգտնվեցին նրանք, որոնց սրտերում լիարժեքորեն բռնկվեք Սպասավորության բոցը:

Կրկնեմ մեկ անգամ ևս՝ Սպասավորության բոցը բռնկվում է միայն այն սրտերում, որտեղ առկա են Վեհապետների և մեր դեսպանորդի նկատմամբ նվիրվածություն, սեր, երախտագիտություն, հարգանք ու ակնածանք:

Անցած տասը տարիների ընթացքում մենք չկարողացանք բավարար քանակությամբ այդպիսի սվիդյալ սրտեր գտնել:

Ուստի և Լույսի կիզակետը չէր կարող գործել ամբողջ հզորությամբ, և մարդիկ բավարար քանակի էներգիա չստացան, որպեսզի բարեփոխեն ֆիզիկական ուրտը: Իսկ այն բանից հետո, երբ 2012 թ-ին հաշվեհարդարի փորձ եղավ մեր դեսպանորդի նկատմամբ, ես նրան հրամայեցի անհապաղ լքել Ռուսաստանի տարածքը:

Եվ այսպես, աստվածային հնարավորությունը ներկայումս չի գործում Ռուսաստանի տարածքում:

Լույսի կիզակետը դուրս է հանված Ռուսաստանից:

Մարդկային ինտելեկտը հակված է այս կամ այն երկրի զարթոնքը կամ որևէ երկրում տեղի ունեցած տնտեսական հրաշքը կապելու գիտության ու տեխնիկայի նվաճումների, կառավարման կամ էլ առաջավոր տեխնոլոգիաների ներդրման հետ:

Սակայն այդ ամենը սուկ հետևանքն է այն բանի, որ այս կամ այն երկրի ժողովուրդը թույլ է տալիս, որ իր տարածքում Վեհապետների դեսպանորդ ներկա գտնվի:

Մեր ոչ բոլոր դեսպանորդներն են գործում հրապարակայրեն: Նրանցից շատերը գործում են կատարելապես անհայտ, բայց և կարողանում են Աստծո էներգիա ներարկել այնտեղ, որտեղ դա անհրաժեշտ է անել՝ ըստ Վեհապետների պլան-

ների:

Իսկ եթե որևէ երկրում մեր դեսպանորդը հետապնդվում է, հալածվում և հարգանքի չի արժանանում, ապա այդ երկիրը կանգնում է անդունդի եզրին...

Սակայն ցանկացած պահի կարելի է փոխել նման իրավիճակը:

Բարեփոխումների համար անհրաժեշտ Աստծո էներգիան անսահմանափակ է:

Սակայն ֆիզիկական ուրտի բոլոր բարեփոխումները կարող են տեղի ունենալ միայն մարդկանց սրտերով:

Ձեր ձեռքերով և ոտքերով:

Դրա համար է ասվում, որ ապագան կախված է յուրաքանչյուրիցդ, տառացիորեն յուրաքանչյուրից, ով հիմա կարդում է այս տողերը:

Եվ քանի որ Ռուսաստանը առանցքային երկիր է համարվել, որից կախված է ամբողջ մոլորակի ապագան, ապա այդ երկրում բարեփոխումների բացակայությունը մոտակա ժամանակներում իր համապատասխան արձագանքը կգտնի ամբողջ մոլորակի համար:

Աստվածային հնարավորությունն այս անգամ չհաջողվեց իրացնել:

Կլինի այլ հնարավորություն և էրբ...

Իսկ դա ձեզնից յուրաքանչյուրից է կախված, պաշտելիներս:

ԵՍ ԵՄ ՇԻՎԱՆ...

ՏԵՐ ՇԻՎԱՆ

21 հունիսի, 2016 թ.

ՀՈՒՆՁՔԻ ԺԱՄԱՆԱԿԸ

ԵՍ ԵՄ ՇԻՎԱՆ...

Ես նորից եկել եմ...

Որպեսզի մեր հաղորդակցությունը կայանա, ինդրո՞ւմ եմ, ձեր գիտակցությունը բերեք պատշաճ վիճակի:

Ես լիովին հաշվի եմ առնում, որ ձեր ժամանակներում քչերն են ունակ իրենց գիտակցությունը հասցնելու այնպիսի մակարդակի, որ կարողանան ընկալել Համբարձյալ Վեհապետների էներգիաները:

Այո՛, պաշտելիներս, ձեր աշխարհն այնքան է հեռացել Աստծո Աշխարհից, որ ամեն անգամվա հետ Մեզ համար ավելի ու ավելի դժվար է դառնում այն սրտերը գտնելը, որոնք ունակ են ընկալելու Մեր էներգիաները և, հետևաբար, որսալու Մեր տված Ուսմունքի իմաստը:

Ցավոք, այն, ինչ հիմա տեղի է ունենում ձեր

աշխարհում, կարելի է համեմատել ոսկե հորթի համընդհանուր պաշտման հետ:

Այն ամենը, ինչ ձեզ շրջապատում է, հատկապես խոշոր քաղաքներում, սուկ դեկորացիաներ են, որոնց միջոցով ձեզ մատուցվում է գերիշխանություն հաստատած միակ կրոնը, այն է՝ ոսկե հորթի պաշտամունքը:

Տասնյակ Ուղերձներով Մենք բազմաթիվ անգամ ասել ենք, որ ձեզ շրջապատող պատրանքը հնազանդորեն համալարվում է ձեր գիտակցության հետ: Բայց և ձեր գիտակցությունն է ձևավորվում այդ նույն շրջակա պատրանքով:

Ուստի եթե դուք մշտապես գտնվում եք խոշոր քաղաքում, ապա չեք կարող գերծ մնալ շրջակա պատրանքի թրթռանքից: Դուք հնազանդորեն ենթարկվում եք այն կենսակերպին ու կարծրատիպերին, որոնք առկա են ձեր շրջապատում:

Մեծ հավատ և կամքի ուժ պետք է ունենալ, որ դիմակայեք այն ազդեցությանը, որով Երկրում ներկայումս ձևավորված քաղաքակրթությունն ազդում է ողջ աշխարհի և հատկապես խոշոր քաղաքների բնակիչների վրա:

Եթե մշտապես գտնվում եք այնպիսի միջավայրում, որում աններդաշնակ երաժշտություն է հնչում, անընդհատ ձեր աչքերի դեմ սխալ կերպեր են թրթռում, մշտապես բորբոքվում են մարմինների ու իրեղենի տիրանալու ցանկություններ, ապա ձեր գիտակցությունը մշտապես գտնվում է այնպիսի մակարդակում, որ Աստծուն լսել հնարավոր չէ: Թրթռանքի այդ մակարդակում հնարավոր չէ լավը վատից գանազանել:

Դուք գտնվում եք զանգվածային գիտակցության ճահճատիղմի մեջ: Եվ եթե կարճ ժամանակով եք դրանում հայտնվել, ապա դեռևս հնարավոր է դուրս պրծնել, դուրս ցատկել ճահճից: Բայց եթե արդեն մինչև կոկորդը խրված եք, ապա գործականում փրկության ոչ մի հույս չկա:

Ոսկե հորթի պաշտամունքի միլիոնավոր գոհեր տարեցտարի լրացնում են պատմության աղբակույտերը:

Եթե լրջորեն մտորենք, ապա սա մարդկության պատմության ամենախոշոր արհավիրքն է:

Բայց չէ՞ որ Մենք նախագգուշացրել ու Մեր հանձնարարականները տվել ենք դեռևս 10 տարի առաջ, երբ դուք դեռ նոր էիք ուղիղ դեմ ճահճատիղմի մեջ:

Ձեզ ազատ կամք է տրված: Եվ ձեր ազատ կամքով դուք կատարել եք ձեր ընտրությունը: Իսկ այլընտրանքը պարզ էր ու ակնհայտ. կան Աստծուն եք երկրպագում, կան ոսկե հորթին:

Կան ընտրում եք հավերժական Կյանքը, կան ձեր անհատականությունը գոհելու գնով ընտրում եք անցողիկ աշխարհը:

Այն բանին զուգընթաց, որ ձեր հոգուն զրկում եք անհրաժեշտ աստվածային սննդից և շարունակում նրան կերակրել այն փոխնակներով, որոնք օրվա մեջ 24 ժամ հեռուստատեսությամբ, համացանցով, զվարճանքներով ու հաճույքներով հակատարորեն ձեզ մատուցում են ոսկե հորթի պաշտամունքի քրմերը, ձեր հոգին աստիճանաբար մահանում է:

Եվ վրա է հասնում այն պահը, որ դուք այլևս հոգի չեք ունենում: Դուք վերածվում եք ապագա չունեցող կենսատրոստի:

Ամեն ինչ, պաշտելիներս, որոշվում է ձեր կատարած ընտրություններով: Եվ եթե ընտրում եք

պատրանքային աշխարհը (ձեր ազատ կամքով, իհարկե), ապա հենց այդ աշխարհում էլ մնում եք:

Եթե հավատում եք, թե ընդամենը մի կյանք եք ապրում, ուստի և ձգտում եք այդ կյանքում ստանալ բոլոր հնարավոր հաճույքները, ապա դրանք ստանում եք բուն Կյանքի փոխարեն:

Դուք ձեր հոգին ծախում եք սատանային: Հանուն արդուզարդի ու հաճույքների՝ ինքներդ ձեզ զրկում եք Կյանքը շարունակելու հնարավորությունից:

Խոշոր քաղաքում բնակվող հազարից մեկը հազիվ թե գտնվի, որ ունակ է իր էվոլյուցիան շարունակելու որպես Աստծո անձնավորում:

Մնացած բոլորը հոգևոր իմաստով կան արդեն մեռած են, կան անհուսալի հիվանդ են, և իրենց հոգին գտնվում է մերձիմահ վիճակում:

Ահա ոսկե հորթի հենց այդ քաղցր, ուրախ ու անհոգ պաշտամունքն էլ կարճ ժամանակում իր զոհասեղանին հավաքել է միլիոնավոր զոհեր:

Ինչ արած, ամեն դեպքում Մենք մեր կողմից ամեն ինչ արեցինք, որ մարդկային քաղաքակրթությանը մատնացույց անենք էվոլյուցիոն զարգացման հնարավոր այլ ուղի:

Սակայն ժամանակն անզիջում գտնվեց, և վրա հասավ վերջնական ընտրություն կատարելու պահը:

Յուրաքանչյուրն ինքն է ընտրում՝ մահ կամ կյանք:

Բնությունն ստիպված է ազատվել այն անհատներից, որոնք ունակ չեն հետագա էվոլյուցիայի:

Հունձքի ժամանակն է արդեն: Հունձքն ընթացքի մեջ է:

Հատիկները ջոկվում են որումից:

Էվոլյուցիայի պատրաստ ամեն ինչը խնամքով հավաքվում է Աստծո շտեմարանում:

Իսկ այն ամենը, ինչ ենթակա չէ հետագա էվոլյուցիայի, լցվում է պատմության աղբանոցը:

Ուստի Ես ահա օգտագործեցի այս վերջին հնարավորությունը, որ գոնե մի քանի հոգի կարողանան լսել Ինձ և վերադառնալ հավերժական Կյանքին:

Անխտիր բոլոր հանձնարարականները Մենք տվել ենք Մեր Դեսպանորդի միջոցով փոխանցված Ուղերձներով:

Միայն մեռածը չէր լսի դրանք:

ԵՍ ԵՄ Շիվան...